



**BARAZA LA WAWAKILISHI – ZANZIBAR**

**ORODHA WA SHUGHULI ZA LEO**

**BARAZA LA KUMI LA WAWAKILISHI**

**MKUTANO WA PILI**

**Kikao cha Nne – Tarehe 15 Februari, 2021.**

Kikao Kitaanza Saa 3.00 (Tatu) Asubuhi  
na Dua zitasomwa.

**I. TAARIFA YA SPIKA:**

**II. HATI ZA KUWASILISHA MEZANI:**

**Waziri wa Nchi, Ofisi ya Rais, Fedha na Mipango:**

Hotuba ya Muelekeo wa Mpango wa Taifa kwa mwaka 2021/2022 na Waraka wa Mpango wa Bajeti.

**Mwenyekiti wa Kamati ya Bajeti:**

Hotuba ya Maoni ya Kamati ya Bajeti kuhusu Muelekeo wa Mpango wa Taifa kwa mwaka 2021/2022 na Waraka wa Mpango wa Bajeti.

### III. **MASWALI:**

#### **Ofisi ya Makamo wa Kwanza wa Rais:**

8. MHESHIMIWA MWANTATU MBARAK KHAMIS (Viti Maalum) - Atamuuliza Mheshimiwa Waziri wa Nchi, Ofisi ya Makamo wa Kwanza wa Rais:

Serikali katika kuhakikisha watu wenye mahitaji maalum wanafaidika na huduma muhimu kwa lengo la kupata maendeleo, imeanzisha mfuko wa maendeleo kwa watu wenye mahitaji maalum.

- (a) Ni maeneo gani hadi sasa yameweza kufaidika na mfuko huo.
- (b) Je, mfuko huo umewafikia watu wenye mahitaji maalum wangapi Unguja na Pemba.

#### **Ofisi ya Rais, Tawala za Mikoa, Serikali za Mitaa na Idara Maalum za SMZ:**

1. MHESHIMIWA BAHATI KHAMIS KOMBO (Jimbo la Chambani) - Atamuuliza Mheshimiwa Waziri wa Nchi, Ofisi ya Rais, Tawala za Mikoa, Serikali za Mitaa na Idara Maalum za SMZ:

Gofu la Mkamandume lipo katika Shehia ya dodo na ukitaka kulitambua kwa namna nzuri, basi lazima utembelee katika msikiti mkongwe uliopo Mitamani shehia ya Dodo. Lakini hivi sasa gofu hilo linaonesha lipo katika shehia ya Pujini.

- (a) Je, ni vigezo gani vilivyotumika kutolewa Gofu hilo shehia ya Dodo na kupelekwa shehia ya Pujini.
- (b) Kwa kuwa gofu hilo limepelekwa Pujini na wananchi wa Dodo ndio asili yao, si tunawakosesha haki zao za maendeleo yanayotokana na gofu hili.
- (c) Je, wakati wa maamuzi hayo, wananchi wa Dodo na kamati yao ilipewa taarifa.

**Wizara ya Kilimo, Umwagiliaji, Maliasili na Mifugo:**

66. MHESHIMIWA HABIB ALI MOHAMED (Jimbo la Mtambwe)-  
Atamuuliza Mheshimiwa Waziri wa Kilimo, Umwagiliaji, Maliasili  
na Mifugo:

Kwa kuwa maisha ya mtu hutegemea rasilimali aliyonayo ambapo watu wengi wa Zanzibar, hasa kisiwa cha Pemba, hutumia mashamba yao kujipatia riziki. Hata hivyo, kumekuwa na majonzi na masikitiko makubwa kwa wananchi ambapo Serikali ilichukua mashamba ya mikarafuu na kuyakodisha mashamba bila ya kuwazingatia wahusika.

Je, Serikali italitatuaje suala la umiliki wa mashamba na kuhakikisha kwamba mwenye haki ndiye anaepewa haki yake.

**Wizara ya Elimu na Mafunzo ya Amali:**

53. MHESHIMIWA HAJI SHAABAN WAZIRI (Jimbo la Uzini) -  
Atamuuliza Mheshimiwa Waziri wa Elimu na Mafunzo ya Amali:

Serikali katika kuwaenzi Muasisi na Viongozi mbali mbali wa Taifa letu la Zanzibar imekuwa ikijenga vitu mbali mbali kama vile barabara na skuli na kuvipa majina kwa ajili ya kuwaenzi viongozi hao.

(a) Je, hatuoni ipo haja ya kujenga skuli ya gorofa itakayopewa jina la Marehemu Sheikh Abeid Amani Karume katika pahali alipoanzia masomo yake Muasisi huyo.

(b) Je, kuna utaratibu gani unaotumika katika kuweka mazingira mazuri ya historia katika skuli zetu.

67. MHESHIMIWA DKT. SAADA MKUYA SALUM (Uteuzi wa Rais) - Atamuuliza Mheshimiwa Waziri wa Elimu na Mafunzo ya Amali:

Zanzibar imekuwa ikikabiliwa na wimbi la udhalilishaji wa kijinsia ikiwemo jamii ya watoto na wanafunzi. Aidha, taarifa mbali mbali zinaonesha kuwa, vitendo hivi vya udhalilishaji vimekuwa vikitokea pia baina ya walimu na wanafunzi au wanafunzi kwa wanafunzi wenyewe.

Je, Wizara imefanya utafiti wa kina katika skuli zetu kuangalia chanzo cha udhalilishaji kwa ujumla.

**Wizara ya Maji, Nishati na Madini:**

19. MHESHIMIWA ABDALLA ABASI WADI (Jimbo la Nungwi) - Atamuuliza Mheshimiwa Waziri wa Maji, Nishati na Madini:

Katika jimbo la Nungwi mpaka hivi sasa viko vijiji vichache kama vijiji vya Mwanguo na Chanjaani ambavyo bado huduma ya umeme haijafikishwa na wananchi wanapigia kelele ili kupata haki yao hii.

Je, Wizara ina mpango gani wa kuwaletea huduma hii.

**Wizara ya Ujenzi, Mawasiliano na Uchukuzi:**

10. MHESHIMIWA MUSSA FOUM MUSSA (Jimbo la Kiwani) - Atamuuliza Mheshimiwa Waziri wa Ujenzi, Mawasiliano na Uchukuzi:

Meli ya MV. Maendeleo imepelekwa chelezoni Mombasa kwa matengenezo makubwa ikiwemo ubadilishaji wa mashine zake (main engines) mbili kubwa, vinu vya umeme vyote viwili pamoja na ubadilishaji wa "Plates" zilizochakaa na kazi nyengine mbali mbali ambazo zilitarajiwa kukamilika ndani ya mwezi wa Julai, 2020.

- (a) Je, Mhe. Waziri suala hili Wizara yako inalifahamu
- (b) Je, Meli ya MV. Maendeleo kwa sasa imefikia hatua gani.

#### **Wizara ya Uchumi wa Buluu na Uvuvi:**

37. MHESHIMIWA HASSAN HAMAD OMAR (Jimbo la Kojani) - Atamuuliza Mheshimiwa Waziri wa Uchumi wa Buluu na Uvuvi.

Wavuvi wamekuwa wakisumbuliwa kisheria kwa kuvua uvuvi haramu.

- (a) Je, upi uvuvi halali na haramu kwa mujibu wa sheria ya uvuvi ya Zanzibar.
- (b) Je, Serikali ina mpango gani wa kukaa na wavuvi na jumuiya za kijamii zinazohusika na uvuvi kuchambua sera na sheria za uvuvi wa kuelekea uchumi wa buluu.
- (c) Je, utawaunganisha vipi wavuvi wadogo wadogo katika harakati za kuleta maendeleo na kuchangamkia fursa za uchumi wa buluu.

#### **IV. HOJA ZA SERIKALI**

##### **Waziri wa Nchi, Ofisi ya Makamo wa Pili wa Rais:**

Mjadala wa Hotuba ya Uzinduzi wa Baraza la Kumi la Wawakilishi iliyotolewa tarehe 11 Novemba, 2020 na Mheshimiwa Rais wa Zanzibar na Mwenyekiti wa Baraza la Mapinduzi.

#### **V. TAARIFA YA SERIKALI:**

##### **Waziri wa Nchi, Ofisi ya Rais, Fedha na Mipango:**

Hotuba ya Muelekeo wa Mpango wa Taifa kwa mwaka 2021/2022 na Waraka wa Mpango wa Bajeti.

Zanzibar,  
15 Februari, 2021.

(Raya Issa Msellem)  
**KATIBU WA BARAZA.**